

清·方略館 編

清代 方略 全書

北京圖書館出版社



清代方略全書

清·方略館編

北京圖書館出版社

清·奕訢等撰

欽定剿平粵匪方略

卷八五——九四

清同治十一年（一八七二）鉛印本

欽定剿平粵匪方略卷八十五 甲寅年

三月十二日 辛亥 張亮基奏言 臣馳抵臨清後以

練勇初到利在速戰探知東南賊衆多歸黑家莊屯聚若以奇兵掩其不備醜類必力不能支三月初七日夜閒派兵分道齊出直攻黑家莊並選敢死之士豫於莊外埋伏該逆猝不及防登時驚擾擊斃及焚燒者無數轉至東城該逆

恃衆抗拒我兵開礮轟擊旋將木城轟燬殲
逆匪多名天明收隊回營據逃出難民供稱黑
家莊至礮臺等處屍骸枕藉約計二千有餘臣
仍卽續行出隊駐營八里莊逼近賊壘以期迅
掃妖氛

張亮基又奏言逆匪自張秋鎮竄陷陽穀後經
由之莘縣冠縣亦相繼失守朝城縣土匪肆擾

乘閒進城焚燒衙署曹屬土匪四起有先攻濮
州再攻曹州府城之謠臣現在進駐臨清八里
莊勢難分兵前往惟飭該府縣先行多雇民勇
盡力勦捕一俟逆匪肅清臣卽分兵勦辦惟逆
匪闌入東境連陷城池臣防勦不力實難辭咎
仰懇

天恩將臣交部嚴加議處奏入

上命軍機大臣傳諭張亮基曰逆匪圍踞臨清東南
三面衆至三四萬雖經剿殺多名兇鋒仍未大挫該
撫但當事意進攻與善祿等併力兜剿一切機宜隨
時咨報勝保妥籌商辦張亮基身任封疆屬境城池
疊遭蹂躪罪實難辭本日明降諭旨僅將該撫交部
議處應如何激發天良知感知奮盡力剿賊稍贖前
愆若但以土匪肆擾爲詞希圖避難就易或將臨清

逆匪驅入直境遂謂本省無事朕必將張亮基從重
治罪決不寬貸

上諭內閣曰張亮基身任封疆於逆匪竄入東境未能
先事籌防本屬罪有應得惟此次遇賊接仗獲勝尙
知愧奮著加恩交部議處以示薄懲

十三日 壬子 僧格林沁奏言查阜城之賊自獨流

靜海竄出經臣屢次痛加剿洗斃賊萬餘現雖

困蹙阜城該逆百戰之餘狡猾異常臣前與勝
保合力勦辦統計馬步官兵三萬有奇未能剋
期蕝事不意南賊復至勢不能不分兵堵截計
先後撥兵一萬二千餘名兵分勢單地方遼闊
堵禦頗形喫力數目以來連次極力進攻未能
偏近賊巢屢蒙

嚴諭切責惶恐無地臣受

恩深重何敢有心遷延實因無能以致仰勞

聖慮惟有仰懇

皇上天恩將臣從重治罪奏入

上命軍機大臣傳諭僧格林沁曰阜城逆賊窮蹙餘生
即使堅匿死拒亦何至兼旬累月無計可施朕若欲
加僧格林沁以罪原不難立降嚴旨所以屢次訓諭
不卽加罪尙冀該大臣知感知奮迅速圖功乃此次

忽以自請從重治罪等詞搪塞入奏豈謂有此一奏便可卸責耶朕於該大臣倚任不爲不專相待不爲不恕一切辦理遲緩之處朕總詳細指示不肯遽加嚴譴該大臣乃稱非敢有心遷延實因無能所致試思有心遷延應得何罪該大臣豈能當之卽此無能二字已不應出之於口如各路統兵大臣人人皆以無能請罪國事孔艱更有何人可任該大臣素性質

又不敢顧此失彼此時權衡輕重自以扼賊北
竄爲要臣紮營之地正當賊衝東北一帶有善
祿在彼諒亦可以無虞東面則巡撫張亮基駐
兵堵禦其能禦與否尙未可知惟有竭力設法
認真攻擊以期早就殲除現在馬隊無多不敷
調遣仍乞

皇上飭撥馬隊官兵千餘名迅速來營以資扼截查臨

清地面四通八達臣過其西北萬一該逆繞竄
正西則數十里卽入大名府境東面又可直達
天津皆當豫爲防範官兵營盤中隔運河漳河
未免聲勢稍阻現已於運河搭造浮橋如賊由
東竄則西岸馬隊可以渡河追剿賊由西竄則
東岸馬隊亦如之惟聞大江南北逆黨尙多儻
再分股由故道渡河北竄則兼顧愈難臣愚昧

之見似應於汴梁省城並徐州豐工地方添設
重兵控制勿令賊蹤再有竄出俾臣得以專力
籌辦迅掃寇氛奏入

上命軍機大臣傳諭勝保曰賊匪攻撲臨清守城兵勇
單弱勝保當一面就現有兵勇設法攻擊一面嚴催
桂明所帶官兵並澤潞防兵迅卽前來酌量調遣張
亮基所帶練勇二千應歸何員管帶著勝保酌度派

撥藉資協勦河北鎮總兵花里雅遜布所帶官兵是
否可以檄調助勦著該大臣酌量調遣至前請添調
馬隊早經諭令德勒克色楞統帶精銳一千名前往
臨清計期亦應趕到所有各路官兵統歸勝保節制
崇恩現已授爲巡撫正當力籌保衛州城埽除此股
賊匪以報厚恩著該大臣傳旨諭知該撫合力同心
內外夾擊一併與桂明張殿元歸該大臣節制卽統

籌南北大局該大臣見解所到不妨遇便奏聞

上又命軍機大臣傳諭和春福濟曰賊匪全股竄踞臨清州城外多至三四萬人雖經勝保帶兵趕到而逆燄方張阜城餘寇仍復負隅死守爲今之計總以嚴扼北路關隘爲第一要著卽著和春福濟通籌熟計應於何路分兵扼剿以挫賊氛並如何兼顧廬州力籌攻克以及六安霍邱西北一帶作何布置務卽趕